

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

1950-1990-YILLARDA SURXON VOHASI QISHLOQ XO‘JALIGI TARIXI (ANGOR TUMANI MISOLIDA)

Amirqulov Muhiddin G‘ulomovich

Termiz davlat pedagogika instituti magistranti

Annontasiya

Maqolada 1950-1990-yillarda O‘zbekistonning janubiy hududlaridan biri bo‘lmish Surxon vohasining Angor tumanida qishloq xo‘jaligi sohasida amalga oshirilgan ishlar va asosiy ko‘rsatkichlar o‘rganilgan.

Kalit so‘zlar: *Qishloq xo‘jaligi, Angor, “Kuybishev”, O‘zbekiston SSR, 1950-1990-yillar.*

Аннотация

В статье рассматривается сельскохозяйственная деятельность и основные показатели в Ангорском районе Сурханского оазиса, одного из южных регионов Узбекистана, в 1950-1990-е годы.

Ключевые слова: Сельское хозяйство, Ангор, «Куйбышев», Узбекская CCP, 1950-1990-е гг.

Annotation

The article examines the agricultural activities and main indicators in the Angor district of the Surkhan oasis, one of the southern regions of Uzbekistan, in the 1950s-1990s.

Key words: Agriculture, Angor, "Kuybyshev", Uzbekistan SSR, 1950-1990s.

KIRISH.

Ikkinchi jahon urushini g‘olibona tugallagan sovet xalqi endilikda urush jarohatlarini tiklash va rivojlantirish ishlariga kirishdi. Biroq bu ishlarni amalga oshirishda bir qator qiyinchilik va murakkabliklar ham yuzaga keldi. Masalan, shunday qiyinchiliklardan biri kadrlar masalasi bilan bog‘liq edi. Gap shundaki, urushda qatnashgan jangchilardan juda ko‘pi o‘z kasbining ustasi bo‘lgan kishilar janglarda halok bo‘lgan bo‘lsalar, yana front orqasidagi og‘ir mehnat tufayli oziq-ovqatning yetishmasligi, turli-tuman kasalliklar tufayli ko‘plab ishga yaroqli mehnatkashlar ham safdan chiqqan edilar.

Bunday holatlar shubhasiz ishning ko‘zini biladigan, omilkorlik bilan xo‘jalik yuritadigan bilimdon kadrlarga muhtojlik zaruratini tug‘dirmasdan qolmas edi.

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

Bundan tashqari, yetarli moliyaviy resurslar, zarur texnika vositalari, mashina va mexanizmlarning yetishmasligi ham katta qiyinchiliklarni keltirib chiqardi. Shunday qiyin sharoit bo‘lishiga qaramasdan viloyat va tuman mehnatkashlari o‘z zimmasidagi reja va topshiriqlarni bajarishga kirishdilar.

Ana shunday og‘ir yillarda Angorning tuman sifatida shakllanishida Sherobodlik mehnatkashlarning hissasi katta bo‘ldi. Ayniqsa, Zang, Tallimaron (1950-yilda qo‘l kuchi bilan qazilgan edi. 1953-1954-yillarda Sherobod va Boysun tumanlari jamoalarining tashabbusi bilan Tallimaron kanali Qorasuvgacha masofaga uzaytirildi. Beshqo‘ton massivida 5 ta jamoa xo‘jaligi tashkil etildi) kanallari qurilishi tuman hayotida katta o‘zgarishlarga yo‘l ochib bergen edi.

Bu yerlarda jamoalashtirish natijasida Sherobod tumanidan ko‘plab oilalar ko‘chirib keltirildi. Ushbu oilalar cho‘lni o‘zlashtirishda katta jonbozdik ko‘rsatdilar. Tumanda yangi yerlar o‘zlashtirilib, hudud kengayib, shu bilan birga aholi soni ham ko‘payib bordi. Shu tufayli O‘zbekiston SSR Oliy Kengashi Prezidiumining “O‘zbekiston SSRda yangi rayonlar tashkil etish to‘g‘risida”gi Farmoniga asosan 1952-yil 16-aprel kuni yangi tuman Angor tumani tashkil etildi. Ana shu farmonga asosan tumanda tashkiliy qo‘mita tuzildi. Unga rais etib Erkin Ostonaqulov tayinlandi.

Tuman tashkil etilgan dastlabki yillarda “Karl Marks,” “Birinchi may,” “Kuybishev,” “Malen’kov,” “Pravda gazetasi” hamda “Xrushchev” nomli bir qancha jamolar mavjud edi. 1953-yili Angor tumanidagi to‘rtta kichik xo‘jalik—“Ozod Buxoro,” “Birinchi may,” “Kuybishev” va “Dehqon ittifoqi” xo‘jaliklari birlashtirilib, unga “Kuybishev” nomi berildi. 1956-yildan xo‘jaliklar traktor va qishloq xo‘jalik mutaxassisliklari bilan ta’milana boshladи. 1961-yilda Surxon vohasida 1236 ta CKTX-4-6 A markali paxta seyalkalari, 1568 ta NKU-4-4 A markali kultivator va OTN-5 markali 806 ta changlagich va purkagichlar, 863 ta traktor, 1362 ta plug, 621 ta tirkama, 210 ta kombayn 1530 dan ortiq qishloq xo‘jaligi texnikalari mavjud edi.

1950-yillarning oxiriga kelib jamoa xo‘jaliklaridagi ishchilarning ish haqlarida ham o‘zgarishlar bo‘lib, endilikda ish haqi mahsulot bilan emas, balki pul daromadi bilan to‘lanadigan bo‘ldi. Bu esa mehnatkashlarni bozor bilan bog‘lanishga, erkin xarid narxida o‘z xohish istagi bilan mahsulot sotib olishga yaratib berdi.

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

Lekin, hali jamoa xo‘jaliklarida mehnat haqiga ham pul, ham mahsulot bilan haq to‘lash davom etib kelmoqda edi, bu esa hisobot isharini olib borishga to‘sinqinlik qilar edi.

Angor tumani “Lenin” nomli jamoa xo‘jaligi a’zosi X.Saidov 1958-yili yil yakuniga ko‘ra 38400 so‘m pul, 40 sentner bug‘doy yoki 1957-yilga nisbatan 10500 so‘m pul daromad qilgan bo‘lsa, Jarqo‘rg‘on tumanidagi “Stalin” nomli jamoa xo‘jaligi a’zosi Fozil Imomov oilasi esa 50940 so‘m daromad qildi. Mehnat unumdorligining asosiy ko‘rsatkichi, albatta, qilingan mehnatga nisbatan haq olish ekanligiga bog‘liq bo‘lishini yuqoridagi raqamlardan ham bilish mumkin.

Bu masalaning bir tomoni, ikkinchi tomoni shundaki, nimagadir o‘sha “chaqiriq” barcha jamoa xo‘jaliklarini o‘z ichiga qamrab ololmadi. Buning sabablaridan biri davlat siyosatdonlarining bu “chaqiriq” orqali kapitalizm tuzumini lol qoldirishga urinishi, bizda hamma insonlar xuddi shu asosda yaxshi haq oladi degan tushunchani singdirishga harakat qilishi edi. 1960-yillarning o‘rtalarida ingichka tolali paxta navlarini yaratish va ularni ishlab chiqarishga joriy qilishda Angor tumani jamoa xo‘jaliklarining ham hissasi katta bo‘ldi.

Angor tumanidagi “Kuybishev” nomli jamoa xo‘jaligi (kolxoz) da texnika ta’mnoti ancha mustahkamlanib, 1965-yili jamoa xo‘jaligi raisi Abilsho Xo‘jamqulov tashabbusi bilan ingichka tolali paxtani mashinada terish xo‘jalikning yettita brigadasida sinovdan o‘tkazildi, sinov muvaffaqiyatli o‘tib butun viloyat bo‘yicha joriy etildi. Jamoa xo‘jaligi 1965-yilda 1450 hektar yerga paxta ekib, hosildorlik 17,8 sentnerga, paxta hosili esa 2680 tonnaga yetkazildi.

1960-1970-yillarda viloyatning g‘allakor va sholikorlari ham yuksak muvaffaqiyatlarni qo‘lga kiritdilar. 1965-1975-yillarda donli ekinlar maydoni 52,1 ming hektardan 69,9 ming hektarga, shu jumladan don va makkajo‘xori maydonlari 1,2 ming hektardan, 5,7 ming hektarga, sholi maydonlari 4,1 ming hektardan, 3,5 ming hektarga yetdi. O‘z navbatida bu davrda jami donli ekinlar hosildorligi hektariga 7,3 sentnerdan 10,7 sentnerga, shu jumladan, makkajo‘xori hektaridan 31,7 sentnerdan 55,5 sentnerga, sholi esa 21,8 sentnerdan 45,9 sentnerga ko‘tarildi.

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

Surxon va Amudaryo etaklarida ixtisoslashgan sholichilik bo‘limi va davlat xo‘jaligining tashkil etilishi muhim ahamiyatga ega bo‘ldi. Shuni ham aytib o‘tish kerakki, ayniqsa Amudaryo etaklarida ixtisoslashgan sholichilik xo‘jaliklarining ko‘paytirilishi, suv resurslaridan me’yordan ko‘proq foydalanish respublika suv zaxiralalarining kamayib ketishiga sabab bo‘ldi, bu narsa oqibatda Orol fojeasiga olib keldi.

Bu vaqtida viloyatda don, ayniqsa makkajo‘xori doni yetishtirishda sezilarli yutuqlarga erishildi. Bunga mamlakat siyosiy rahbariyatining bu ekinga katta e’tibor bergenligi sabab bo‘ldi. N.S.Xrushchev ma’muriyatining makkajo‘xori hosildorligiga e’tiborning kuchaytirilishi qishloqda ishlab chiqaruvchi kuchlarni rivojlantirishda katta sakrashni amalga oshirdi, degan fikrda edi. “Makkajo‘xori” ekini, umuman mamlakat chorvachilagini va agrar ishlab chiqarishni ko‘tarishga yordam qiladi” shiorini o‘rtaga tashlagan “Xrushchev o’n yilligi” 1960-1970-yillarda ham o‘z ta’sirini yo‘qotmadi.

Viloyatda ham makkajo‘xori yetishtirishga katta e’tibor berilib, o‘rtacha hosildorlik 50-55 sentnerni tashkil qildi. 1965-1975-yillarda viloyatda yalpi hosil yetishtirish 28,4 ming tonnadan 31.6 ming tonnaga yetkazildi. Jamoa xo‘jaliklarida don yetishtirish rivojlanib bordi. Masalan, Angor tumanidagi “Kuybishev” nomli jamoa xo‘jaligida donchilikning o‘sish ko‘rsatkichlari quyidagicha bordi:

/R	Ekin turlari	1966	1970	1973	1975	1977	1978	1979
1.	don	22,3	194, 1	394	419	492	497	504
2.	arpa	22	-	34	18	28	14	85
3.	bug‘doy	-	-	114	183	195	210	244
4.	sholi	-	23	153	188	113	128	140

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

.	makkajo‘xori	18	25	53	71	74	81	90
---	--------------	----	----	----	----	----	----	----

1970-yillar o‘rtalarida dehqonlarning ahvoli bir oz yaxshilanib, ular ish haqi va mehnat mukofotlarini yil yakunida va o‘z vaqtida ola boshladilar. Bu esa, dehqonlarning mehnat ko‘tarinkiligini oshirib mehnat unumdarligining ko‘tarilishiga yordam berdi. O‘z navbatida markaz esa paxtaga bo‘lgan ehtiyojini qondirishni yanada kuchaytirish uchun moddiy-texnika ta’minotini ham o‘z vaqtida yetkazib berishga harakat qildi.

1960-1980-yillarda chorva mollarini ko‘paytirish sohasiga ham e’tibor qaratildi. Viloyatdagi bir qator jamoa xo‘jaliklarida chorvachilik sezilarli darajada o‘sib, ma’lum ma’noda yutuqlarga ham erishildi. Buni Angor tumanidagi yana “Kuybishev” nomli jamoa xo‘jaligi misolida ko‘rishimiz mumkin:

/r	Chorva mollarining turi	1966	1970	1975	1979
	qoramollar	864	1210	1533	1712
	qo‘ylar	4560	6360	7349	7515
	cho‘chqalar	114	165	385	436

Biroq 1980-yillarning boshlariga kelib, qishloq xo‘jaligida mahsulot yetkazib berishda, chorvachilik va parrandachilikni, don ekinlarini ishlab chiqarish rejasida rivojlantirish, mahsulot narxini arzon qilish borasida qilingan urinishlar natijasiz bo‘lib, bu sohadagi reja va topshiriqlar samarasiz yakunlandi. Bu davrda tanazzullik jarayonlari chuqurlashib bordi.

Natijada qishloq xo‘jaligi sohasida ko‘zlangan vazifani bajarishga to‘la erishib bo‘lmasdan qoldi. Mehnatni moddiy rag‘batlantirish tizimi butunlay oqsay boshladи. Bora-bora bunday salbiy harakatlar mamlakat iqtisodiyotini izdan chiqardi. Sovet davri agrar siyosati 1980-yillar o‘rtalarida boshi berk ko‘chaga kirib qoldi.

XULOSA

Xulosa qilib shuni aytish mumkinki, ushbu tahlil etilgan davrda viloyat va tumanlar mehnatkashlarining tashabbusi va fidokorona mehnatlari natijasida agrar sohada ma'lum yutuqlar qo'lga kiritildi. Biroq Sovet tuzumining ma'muriy-buyruqbozlik asosida xo'jalikni boshqarish siyosati oqibatida mehnat ahli o'z mehnatining natijasidan bebahra qoldi. Mulkchilikning faqat jamoa xo'jaligi (kolxoz) va davlat xo'jaligi (sovxozi) tizimiga asoslanganligi xo'jalikni boshqarishning byurokratik va volyuntaristik tartiblari shaxsiy tashabbuslarni bo'g'ib qo'ydi. Oqibatda Angor tumani qishloq xo'jaligida ham viloyat va respublikada bo'lgani singari qator nuqson va kamchiliklar yuzaga keldi, buni esa inkor etib bo'lmaydi.

FOYDALANILGAN ADABIYOTLAR RO'YXATI

1. Юз саволга юз жавоб. - Т., "Ўқитувчи," 1998 йил, 22 б.
2. С.Н.Турсунов, Э.Қобилов ва бошқалар. Сурхондарё тарих кўзгусида. - Т., "Шарқ," 2001 йил, 245 б.
3. С.Н.Турсунов, Э.О.Қобилов. Сурхондарё тарих кўзгусида. - Т., "Шарқ," 2001 йил, 251 б.
4. С.Б.Эшқурбонов. Ўзбек халқи хўжалик фаолиятида дехқончилик: анъаналар ва замонавийлик (Сурхон воҳаси мисолида). – Т., "Innovatsiya-Ziyo" 2023 йил, 93 б.